

Te wai, he taonga

Kimi mōhiotanga anō me te tono kōrero mai

Tukuna mai ō whakaaro mō te mahere hukihuki. Koinei te wā e whakahoki kōrero mai ai koe.

Tomo atu ki **wai-it-matters.nz** ki te:

- pānui i te mahere hukihuki me ngā kōrero āpiti
- kite me pēhea koe e kimi mōhiotanga anō me te patapatai
- whakahoki kōrero mai ki a mātou e pā ana ki te mahere hukihuki.

E whakahaere hui kanohi ki te kanohi ana, ā-ipurangi ana mātou huri noa i te rohe o Te Taitokerau, e ako ai koe mō tō mātou mahere, ā, me te kōrero mai i ō whakaaro – tomo atu ki wai-it-matters.nz mō ngā taipitopito.

Ki te hiahia koe kia haere ake mātou ki tō hui, kōrero ai mō tēnei kaupapa, tēnā whakapā mai:

Īmēra: freshwater@nrc.govt.nz

Waea: 0800 002 004, 09 470 1210 rānei



Kōrerotia mai ō whakaaro i
mua i te 4 o Māehe 2024.



Tukuna mai ō whakaaro mō ngā ture hukihuki hou e ora ake ai ō tātou arawai māori.

E noho matemate ana te nuinga o ngā arawai māori o Te Taitokerau. E tohu mai ana ngā tāngata whenua, ngā hāpori whānui tonu, me ā mātou raraunga aroturuki, e pākinotia ana ngā pūnaha hauropi wai māori, te mauri o ngā wai māori, me ngā nōhanga o ngā momo taonga māori hoki.

He mea nui te whai wai māori e parakore ana, e mauri ora ana, mō tō tātou taiao, tō tātou hauora, tō tātou oranga i tēnei ao anō hoki. Mō ngā tāngata whenua, he haere tahi te wai me te whakapapa.

Matika mai

Kua whakatakotonga e te kāwanatanga ngā paerewa mōkito ā-motu mō ngā wai māori. Me whakapiki rawa ake te ora o ō tātou arawai māori e eke ai ki ēnei paerewa mōkito ā-motu. Ka pēnei mā te panoni rawa i te āhuetanga whakamahi i ō tātou whenua, wai hoki.

Te Panonitanga Hukihuki o te Mahere Wai Māori

Kua whakawhanaketia e Te Kaunihera ā Rohe o Te Taitokerau, me te whai wāhitanga mai a ngā tāngata whenua me te rāngai matua hoki, he mahere hukihuki ki te whakapiki i te ora o ngā wai māori i Te Taitokerau. E whakatakoto ana te mahere nei i te toimata hou, ngā hua, ngā tepenga, me ngā ture ka taea ki te tiaki i ngā wai māori.

He mea whakamana te mahere hukihuki nei i **Te Mana me te Mauri o te Wai**. Ko te aronga mātāmua o tēnei kaupapa ko te ora o ngā arawai māori, tuarua ko tā te hauora tāngata e hiahiatia ai, ka toru ko ērā atu whakamahinga o te wai.

He aha ngā panonitanga ture hukihuki e tirohia ana?



Whakahaumarutia ngā whenua ngāhorohoro rawa

- Kia tika ake ngā mahere
- Kia iti iho te whakapara otaota, te whakarite me te ketu whenua
- Kia aukati i ngā kararehe



Kia aukati, whakaiti iho rānei i te tuku o ngā para

- Whakakorengia ā tōna wā te waipara whare ka tukuna ki ngā wai
- Whakawhāiti tonutia ngā herenga mō te tuku o ngā para tūtae pāmu kau, pūrere tātari parawai hoki



Ngā pānga ki ngā uara tāngata whenua

- Ka nui ake ngā kaupapa mahi, me whai aromatawai pāpātanga ahurea mō ngā whakaaetanga rawa taiao
- Kia nui ake te whai wāhi mai a ngā tāngata whenua i roto i ngā whakahaeretanga, te hautūtanga, me ngā whakataunga mō ngā wai māori
- Kia motuhaketia tētahi wehenga wai hei whakaora taiao, e mana ai te hononga o te tāngata whenua ki te wai, e toitū hoki ai Te Hurihanga Wai



Aukatihia te kuhu a te kararehe ki ngā arawai māori me ngā repo

- Kia nui ake te tawhiti o ngā taiapa i waho atu i ngā wai
- Āwhinatia te tupu o ngā tuputupu i ngā parenga me ngā paenga



Ngā tikanga whakahaere i ngā ngahere rāwaho

- Kia nui ake te tawhiti o ngā whenua i waho atu i ngā arawai
- Ngā herenga o ngā whakaaetanga mō ngā riu hopuwai roto tāpokapoka